

اِسْتِغْنَا

نومرو ۱۹

بِخَشَنده

۲۱ کانون ثانی ۱۳۲۴

تجارته مالك اولمق ایچون یارم عصردن بری بالقانلرده اجرای نفوذ چالشمقده در .
 بوسنه و هر سرك كلياً اوستريه و مجارستان اداره سینه بلا قید و شرط ترك ايديله چك
 اولورسه بوقطعه اوستريانك بموقصدینی استحصاله واسطه اوله چقدر .
 تجارت مكتهی جغرافیا معلی

صفوت

توتون انحصاری

توتون انحصاری حقنده شورای امت غزیه سنك ۳۰ نشرین اول سنه ۳۲۴ تاریخلی
 نسخه سنده بر مقاله ایله ۱ نشرین ثانی سنه ۳۲۴ تاریخلی نسخه سنده بر انكلیز .
 شركتلك امتیاز طالب اولدینی کوردلی .

انحصار دخان مسئله سی افکار عمومیه ده بر موقع اشغال ایتمکده اولدیفندن
 بو خصوصده بر قاج سینه دنیرو وقوعبولان تبعات و تدقیقات عاجزانهم اوزرینه
 دولتجه اختیاری لازمکلان و محسناتی درکار اولان احوالك بروجه آتی عرضه
 مسارعت ایدرم :

معلوم اولدینی اوزره انحصار، علم ثروتک رکن و اساسی اولان قاعده سربسقییه
 مغایر اولدینی حالده دولتلر منبع واردات اولمق اوزره کوریلان لزوم اوزرینه
 بعض مکیفاتی انحصار اصوله تابع قالمشدر بوقیلدن اوله رق توتون انحصاری
 ایچون دولترجه ایکی صورت قبول اولمشدر بزی ، انحصاری دولت کندینی
 یپارکه فرانسه بواسولی قبول ایتمشدر متمدن دولتلرک اکثریسی آزچوق بو
 اصوله یا قلاشیر دیکری، اسپانیاده اولدینی کبی برشرکته حواله سیدرکه بزده ده
 موجود اولان توتون انحصاری بواسولده اولوب منافع مملکته کلیاً مغایر، بالوجوه
 مضرتی داعیدر زیرا انحصار برنوع بالواسطه طرح تکالیفدر . بو حق ایسه منحصرأ
 دولت عائد اولوب برشرکته احالهی دولتک حقوقنه بر بشقه سی شریک ایتک
 دیمک اوله چقندن افراذك حقوقنه تجاوز ایدلمش اولور . مثلاً رژیونک صاته جنی
 بش غروشلق برتوتونک قرق پاره سرمایه سی اون پاره ده کاری فرض اولنسه

اهالینک بونی بش غروشه المق مجبوریتده بولندیرلمسیله اشبو فضله‌نک ویرکو اوله‌رق بالواسطه اهلیدن اخذ واستیفا ایدلمش اولدینی تبیین ایدر .

ایمدی بوفضله‌یه برشرکتی اشتراک ایتدیرمک دولت وملتک کندیسنه اولان اعتماد وحقوقه تجاوز ایتمش اوله جنی بدیهیدر بزده کی توتون انحصاری ایچون یاییلان رژی شرکتک شرطنامه سنده کوزه چاریان مهم برنقطه تضاد وارد اوده توتون فروختی انحصار اصولندن غیر برطرزده صائیه‌یه جنی ذکر اولندینی حالده توتون زراعتک سرپست اولمسی ، اجتماعی قابل تألیف اولیان مواددندر چونکه رژی اله‌جق دیه زراع توتون زرعه صالح اولیان اراضیده بیله توتون اکیمکه باشلامریله رژی‌نک تأسیسندن اولکی توتون مقداری قات اندرقات تراید اتمشدربوده رژی‌نک استاتستیکلریله ناستدر . رژی اختیارچندن فضله اولان توتونلری طبیعی المق ارزو اتمه چکندن شمیدی‌یه قدر یامش اولدینی صورته توتونلری قیمتندن دون بریائله المنه ویا صور سازه ایله توتونلری یاقق وقلع ایتک کی اصولاره مراجعت ایله زراعی اضرار طرفه کیمش بوکا مقابل زراعه کندی منافعنی نظر اعتباره اله‌رق قچاق صورتیه توتونلرینی صائمق بولنه سلوک ایلمشلردر . اهالی ایسه قچاق توتون ایچون رژی‌یه ویرکو ویرمیه چکلرندن بالطبع رژی شرکتی قچاق ایله رقابت ایده مز بونک نتیجه‌سی اولارق اناطولینک قسم اعظمی وروم ایلینک اناداق طرفلری همان کاملاً قچاق توتون ایچدکلی اوفاق برتدبق ایله میدان چیقار .

مملک عثمانیه‌ده موجود اولان نفوسک لافل اون ملیونی توتون ایچر فرض اولونسه وهر نفوسک سنوی برلیرالق توتون استهلاک ایلدییکی تخمین ایدلسه اون ملیون لیرا واردات حصوله کلشی سطحی برنظرله قظاهر ایدر .
حالبوکه رژی اداره‌سنگ اوچیز یکریمی اوچ سنه‌سی بلانچوسنده واردات (۲,۶۰۲,۰۹۵,۲۲,۲۵) لیرا کوسترلیدیکندن رژی شرکتی استهلاک انجق ربعی حصوله کتیردیکی کوریلور .

رژی شرکتی بونی کافی عد ایده‌بیلیر چونکه سرمایه دارانه یوزده سکنر . بر

فائض تأمین ایدیسور شو زمانده بوکا موفقیت هیچ بر سرمایه داره میسر اوله ماز بوندن فضله اوله رقی یوزده ایکیدن بشه قدر ده بر تمتع الله ایتدکدن صوکره فضله کار ایچون فداکارلق ایتمکه احتیاج کورمن بناء علیه بوندن متضرر اولان دولتدر شو حاله نظراً تحدید زراعت اصولنه مراجعت ضروریدر تحدید زراعت علیهنده سرد اولنان مطالعانه کلنجه اولا توتون زراعتک ترقیسی ایچون ابو توتون حاصل ایدن عملدرده ذاتاً زراعتی رغیب و تشویق ایلمک منفعت ایجابندن اولدیغندن بوکی عملدرده تزیید مقدارینه چالشه ملیدر زیرا اخراجات ابو توتونلره منحصر اولدیغندن بونک تشویق الزمدر ثانیاً زراعت دوچار غدر اولماسی ایچون توتون زرعی منع ایدیلان اراضی زراعتنه بر قاج سنه ایچون مقدار کافی تضمینات و برلک و اراضینک قابلیتیه کوره حوایج ضروریه دن معدود ودها زیاده منافع تأمین ایده جک بر محصولک زرعتنه اهالی بی سوق ایلمک لازمه دندر.

رژینک حکومت و یاخود بر شرکت طرفندن اداره سی مسئله سنه کلنجه اولا بالاده عرض اولندیغی اوزره دولت، کندی حقوقه بر شرکتی اشتراک ایتدیرمیسی ثانیاً رژی بر شرکت اولدیغی اجلدن افرادک اعتماد ایلمامسی ثالثاً انضباطی شرکت قولیلر واسطه سیله تأمین ایده جکندن حکومتک نفوذنی حازر اولماسی والحاصل شرکتی تشکیل ایدن سرمایه داران کندیلرینسه یوزده سکنر الی اون نسبتده بر فائض تأمین ایتدکدن صکره فضله سی ایچون اختیار زحمته لزوم کورمیه جکندن دولجه ارزو ایدیلان ثمره اقتطاف اولنهمیه جفندن انحصارک بر شرکت واسطه سیله اجرامی موجب مضرتدر فقط بو بایده علم ثروتک «دولتله تجارت ایدرمز» قاعده سی مقام اعتراضده درمیان اوله بیلیر فقط بالاده بیان اولندیغی اوزره انحصار بر نوع تکلیف بالواسطه اولدیغندن تجارت نظریله باقیله ماز الحق اعمالانک بر شرکت طرفندن ایفای خصوصی نظر دقتدن دور طوتله ملیدر چونکه تجارتک اساسی سربستیدر توتون انحصارنی، دولت هیچ بر شرکتیه ترک ایتمکمزین کندیسی یا ملیدر بوراده بر اعتراضه درمیان اولنسه بیلیر

اوده محرم فرمانیه بو حقت دیون عمومیہ عثمانیہ اداره سنہ ترك اولنیش بولنمیسدر
یوکاده شو صورتله جواب ویریله بیلمور : ذاتاً دیون عمومیہ نك تشکله سبب
مستقل دور سابقك بر طاقم مناسبتر لکی نتیجه سی اوله رقی اوروپا حکومتلرینك
حقمزده عدم امنیتي جلب ایتش بولنمیسدر احوال حاضرہ حکومت مز ایسه
له الحمد امنیتي جالب اولدیغندن بویله بر اعتراضه محل قالماز امیدیم انحصار
ارلوب اولماسی مسئله سنه کلنجه رژی اداره سنك نشر ایتدیکی بیک اوچوز
یکرمی اوچ سنه سی بیلانچوسنده (۲,۶۰۲,۰۹۵,۲۲,۲۵) لیرا حاصلات اولمشدر
بوندن (۱,۳۷۷,۴۰۴,۸۵,۱۳) مصرف چیققدنصکره باقی قالان
۱,۲۲۴,۴۶۹,۳۷,۱۲ لیرادن (۷۵۰,۰۰۰) بدل مقطوع سنوی که
(بونی حکومت عثمانیه رژینك تأسیسندن اول دخی استیفا ایدیور ایدی)
و بوندن ماعدا مصر رفتیه و یرلی تنبکو رسمی اولان ۳۶,۶۳۹,۱۷,۲۵
بعدالتزویل باقی قالان تمتع صافی حکومت عثمانیه عائد اولان طقسان اوچ بیک
بشیوز الی بر لیرا ایکی غروش اونیدی پاره (۹۳,۵۵۱,۲,۱۷) دیون عمومییه
عائد اولان (۱۰۹,۱۴۲,۸۵,۸۶) که بوده حکومته عائد دیمکدر مجموعی
(۲۰۲,۶۹۳,۸۸,۰۳) ایدرکه بوقدر جزئی بر مبلغی الده ایتمک ایچون رژی
اصولنه مراجعت ایتمکسزین قسطنطنی افندی حضرتلرینك مقالهلرنده بیان
اولندینی وجهله قداسترو اصولی و رسوم استهلاکیه توزیمی صورتله اوله بیلمور .
اگر دولت عثمانیه توتوندن سنوی بش التی ملیون لیرا بر واردات تأمین
ایتمک ایسترسه انحصار اصولندن بشقه برچاره بوقدر بوده انحصاری دولتک
تحدید زراعت قاعده سنه استناداً کندینی یاغلمیسدر قسطنطنی افندی حضرتلرینك
مقالهلرنده بیان اولنان اصول بر تکلیف بالواسطه اولدیغندن بوايه افراد اوزرنده
ایلك اغزده آغرکله چکندن بلکه توتون زراعتی ترکه مجبور اوله جقلری احتمالی
موجوددر اخراجات قسمنه کلنجه استانتقارک کوستردیکی وجهله ممالک عثمانیه دن
ممالک اجنبیه به اخراج اولنان توتونلر اسکچه وقواله کی محللرده یتیشن اعلا
ونفیس توتونلر اولوب بوبرلرده تحدید زراعت دکل بالعکس توتون نوعی اصلاح

واخراجاتی تزئید ایدہ جک اصولارلہ زراعتی تشویق و ترغیب ایلمک قواعد اساسیہ دندر .

حقاق صورتیلہ ممالک اجنبیہ دن کلمہ جک توتونلرہ کلنجه سواحل عثمانیہ شمیدانصرکہ ترصداث منتظمہ التندہ بواندریلہ جغندن وسواحلدن داخلہ سوقیات مشکل اولہ جغندن بوجہ تہ کی محذور ملاحظہ شایان دکلدر ظن ایدرم .

معروضات مسرودہ بہ بناء رژینک برقاچ سنہ صکرہ منتضیہ اولہ جق اولان مدت امتیاز بہ سنک خنامندہ اصول مذکورہ دائرہ سندہ مالیہ نظارتہ مربوط اولقی اوزرہ دولت انحصاری کندی بیاجق اولورایسہ سنوی بش التی میلیونز واردات تأمین ایتمش اولہ جغندہ شہہ یوقدر .

صائم

اجمال داخلی

روم ابلی احوالی — مجلس مبعوثانده حسین حامی پاشانک ایضاحاتی .

استانبول، ۲۰ کانون ثانی ۱۳۲۴

مجلس مبعوثانده جریان ایدن مکالماتدن طولانی بو هفته اذهان عمومیہ بالخاصہ روم ابلی احوالی ایله اشتغال ایتدی . نتیجه سنہدن برو ولایات ثلثہ دیدیکمز سلاطینک ، مناسرت و قوصوہ ولایتلرندہ شقاوت و سیاست پردہ سی التندہ عادی حیدودلق اجرا ایدن چتہ لک رؤسا و افرادی قانون اساسینک اعلانی متعاقباً ترک سلاح و استیمان ایتمش اولدقلرندن بوکوزل ولایتلریمزده سکون و امنیت حصولہ کلیویرمش ایدی . حیات ملیہ مستقبلہ مزہ سوء قصد ترتیب ایدن «رہ وال» ملاقاتی عثمانیلیری یأسک درجہ نہایسہ القایتمش ایکن ما کدونیادہ صالح و مسالمتک عودتی ازالہ نومیدی ایلمکله برابر اورالک استقبالی ایچون پک تابدار امیدلرک طلوعی انتاج ایتدی ، قسوتہ اوغرایان کوکلرہ عظیم برانشرع کتیردی . معذلک ماضیہ وقوف کامل حاصل ایتمش اولانلر ، اطرافسک تمایلات حقیقیہ سی بیلنلر شو انقطاع مجادلاتک بر متارکہ موقعدن عبارت .